

Ժողովուրդ

92
(2758)

27 հունիսի երեքշաբթի 2023
տպագրության ԺԲ տարի

✉ ք. Երևան, Արմավյան 22ա/3 (0010)

☎ + 374 10 546423

@ info.armlur@gmail.com, info.zhoghovurd@gmail.com

100 դրամ

ԻՐԱՎԱՊԱՐ ՀԱՄԱԿԱՐԳԸ ԱՉՔ Է ՓԱՆՈՒՄ



Իրավապահ համակարգը աչք է փակում Դիլիջանում ԶՊ-ականների ծեծի գործով: Մասնավորապես, «Ժողովուրդ» օրաթերթը դիմել էր Գլխավոր դատախազության՝ պարզելու, թե դատախազությունը արդյոք ընթացք տվել է Դիլիջանում ԶՊ-ականների մասնակցությամբ տեղի ունեցած ծեծի միջադեպին: Ի պատասխան մեր հարցմանը՝ հայտնեցին, որ քրեական վարույթ չի սկսվել: Հիշեցնենք, որ հունիսի 16-ին ԶՊ-ականները իրենց դիլիջանյան հավաքի ժամանակ ծեծկռուք էին սկսել: Մեր աղբյուրները փոխանցում են, որ երբ դրսում ԶՊ-ականները հավաքվել զրուցել են, այդ ժամանակ այդ տարածքով անցնելուց է եղել Վայքի համայնքի ղեկավար Մխիթար Մաթետոյանը, որը հավաքված ԶՊ-ականներին չի բարեւել: Հիմնական հավաքվածները եղել են ԶՊ-ական մարզպետներն ու համայնքապետերը: Արմավիրի մարզպետ Էդվարդ Յուրյանիսյանը դիմել է Մաթետոյանին, թե որ անցնում է ինչու չի բարեւում: Մաթետոյանն էլ հայտարարել է, թե չի ուզում, չի բարեւում, ինչից հետո մարզպետն ու համայնքապետը հարձակվել են իրար վրա ու ծեծել միմյանց: Միջադեպին արդեն խառնվել է ողջ ԶՊ-ական թելը ու ցրել «կռվարարներին»: Դիլիջանում տեղի ունեցած ծեծկռուքի հաջորդ օրը ԱԺ ԶՊ խմբակցության պատգամավոր Սերգեյ Բագրատյանը որոշել է հաշիվներ պարզել Արմավիրի մարզպետի հետ:


Սերգեյ Բագրատյանը համարվում է Վայքի համայնքապետ Մխիթար Մաթետոյանի հովանավորը, քանի որ Բագրատյանն է նրան այդ պաշտոնում երաշխավորել, նշանակել: Երբ գիշերը Բագրատյանին պատմել են, որ Արմավիրի մարզպետ Էդվարդ Յուրյանիսյանի հետ վիճաբանել է քաղաքապետ Մաթետոյանը, ինչի արդյունքում ծեծկռուք է սկսվել, պատգամավոր Բագրատյանը որոշել է անձամբ գնալ Արմավիրի մարզպետ Էդվարդ Յուրյանիսյանի մոտ ու պարզել, թե ինչու է հայտնի Վայքի համայնքապետին:

Մեր աղբյուրները փոխանցում են, որ թե՛ խոսակցություն է եղել, որից հետո Բագրատյանը հեռացել է:

«Քաղաքացիական պայմանագիր» խմբակցության պատգամավորների մոտ կրկին խուճապ է պատրաստվում են Նիկոլ Փաշինյանին ԱԺ-ում դիմավորել: Ինչպես հայտնի է, Նիկոլ Փաշինյանն այսօր կրկին գնալու է պատերազմի հանգամանքների ուսումնասիրման ԱԺ քննիչ հանձնաժողով՝ պատասխանելու հանձնաժողովի անդամների հարցերին: Բանն այն է, որ ամեն անգամ Նիկոլ Փաշինյանի՝ խորհրդարան գնալը դառնում է «մի կարթիլ մեղրի» պատմությունը. եթե մի բան այն չի լինում, դա հետագայում մեծ պատմություն է դառնում ԶՊ-ականների համար, Փաշինյանի կողմից նկատողություններ են ստանում: Հիմա էլ ԶՊ-ականները «շունչները պահած» սպասում են, որ այսօր վերջապես «պատվով» ավարտին հասցնեն Փաշինյանի՝ ԱԺ քննիչ հանձնաժողով կանչելու ծանր գործը: Նախորդ անգամ, երբ հունիսի 20-ին նա կրկին գնացել էր քննիչ հանձնաժողով, նիստին մասնակցում էին ԱԺ պաշտպանության եւ անվտանգային հարցերի մշտական հանձնաժողովի ԶՊ-ական անդամները, արտախորհրդարանական ուժերից «Ինքնիշխան Հայաստան» կուսակցության նախագահ Դավիթ Սանասարյանը եւ մի քանի փորձագետներ. ընդդիմությունն ի սկզբանե բոլորտել է այս հանձնաժողովի աշխատանքները: Ի դեպ, Դավիթ Սանասարյանը նիստից հետո «Ժողովուրդ» օրաթերթի հետ զրուցում ասել էր, որ Փաշինյանի հայտարարությունները սպառնիչ չեն, շատ հարցեր բաց մնացին, ու այսօր նա պետք է մի շարք հարցերի պատասխանի: Թե որքանով սպառնիչ կլինեն Փաշինյանի պատասխանները, այսօր պարզ կդառնա: Մի բան փաստ է, նախորդ անգամ էլ Նիկոլ Փաշինյանի մենախոսությունները քննիչ հանձնաժողովի նիստում հստակ ցույց տվեցին, որ այս հանձնաժողովի առաքելությունը մեկն է՝ մաքրել Նիկոլ Փաշինյանին եւ նրա իշխանությունը: Նկատենք, որ մինչ այս այդ հանձնաժողովի բոլոր նիստը գաղտնիությամբ պարուրված են եղել. միայն Փաշինյանին են հրապարակային քննում՝ իր իսկ պատգամավորները՝ մտավախություն չունենալով, որ կարող է ռազմական գաղտնիքներ բացահայտել:



«Հայաստան» խմբակցության նախաձեռնած ժամանակավոր քննիչ հանձնաժողովը, որը պետք է զբաղվեր ԱԺ պատգամավորների կողմից թույլ տված վարքականությունների խախտման դեպքերով, մնացել է օդում կախված: Ընդդիմադիրների այս նախաձեռնության համար հիմք էր հանդիսացել հատկապես ԱԺ նախագահ Ալեն Սիմոնյանի մասնակցությամբ Երևանի կենտրոնում քաղաքացուն վիրավորելու եւ նրա վրա թեյու դեպքը, ՄԻՊ թեկնածուի քննարկման ժամանակ՝ ԱԺ մարդու իրավունքների պաշտպանության եւ հանրային հարցերի մշտական հանձնաժողովի նիստին ԶՊ խմբակցության քարտուղար Արթուր Յուրյանիսյանի խուլիգանական վարքագիծը, ինչպես նաեւ փետրվարի 3-ին՝ Լաչինի միջանցքի թեմայով խորհրդարանական լսումների ժամանակ ԶՊ-ական պատգամավոր Գուրգեն Արսենյանի հայտարարությունը՝ 120 հազար արցախցու համար չարժե ռիսկի տակ դնել 3 միլիոն հայաստանցու ճակատագիրը: «Ժողովուրդ» օրաթերթի տեղեկություններով՝ հանձնաժողովի ստեղծման գործընթացն այդպես էլ առաջ չի գնում: Բանն այն է, որ, նախ, ընդդիմությունն իր ներսում չի կարողանում հանձնաժողովի նախագահ գտնել: Սա էլ ամենը չէ. ԶՊ-ն էլ ամեն կերպ փորձում տապալել հանձնաժողովի ստեղծման գործընթացը, որն էլ կերպ համաձայնության չեն գալիս հանձնաժողովի անդամների մասով: Հավելենք, որ «ԱԺ կանոնակարգ» օրենքը սահմանում է՝ ԱԺ ժամանակավոր հանձնաժողովի անդամների թիվը սահմանվում է Ազգային ժողովի որոշմամբ, իսկ հանձնաժողովի կազմը հաստատում է Ազգային ժողովի նախագահը: Ըստ նույն օրենքի՝ հանձնաժողովում տեղերը բաշխվում են խմբակցություններում ընդգրկված պատգամավորների թվի համամասնությամբ: Այսպիսով, այս պահի դրությամբ հանձնաժողովի ստեղծման գործընթացը փակուղում է: Չի բացառվում, որ համաձայնության չգալու պատճառով հանձնաժողովի ստեղծման նախագիծն այդպես էլ մնա թղթի վրա, իսկ եթե անգամ ձեւավորվի, անդամներ չառաջադրելու հիմքով այն չի կայանա:



ՀՀ էկոնոմիկայի նախարար Վահան Զեթրոյանը երկու անշարժ գույք ունի: Դրանցից մեկը Նոր Նորք համայնքում է, մյուսը՝ Կենտրոն վարչական շրջանում: Այս բնակարանը նա գնել է 2019 թվականին, եւ այն համատեղ սեփականություն է հանդիսանում: Նախարարը նաեւ 2005 թվականի արտադրության Lexus մակնիշի ավտոմեքենա ունի, որը գնել է 2011 թվականին: Բանկային հաշիվներին տարվա վերջում նա ունեցել է 1 մլն 599 հազար դրամ, իսկ կանխիկ դրամ չի ունեցել: Նրա միակ եկամուտը եղել է 21 մլն դրամը, որը նրա տարեկան աշխատավարձն է՝ որպես նախարար: Վահան Զեթրոյանը նաեւ վարկեր ունի. տարվա վերջում նրա հիփոթեքի գումարի մնացորդը կազմել է 49 մլն 527 հազար դրամ, մյուս վարկերի պատճառը հայտնի չէ, վարկի մարմանն ուղղված գումարն էլ 12 մլն դրամ է կազմել:



ԶՐՈՒՅՑ

ԻՐԱՎԻՃԱԿԸ ՄԵԿԵՆԱԲԱՆՈՒՄ Է ԲԴ-ԱԿԱՆ ՊԱՏԳԱՄԱՎՈՐԸ

«Ժողովուրդ» օրաթերթը Հայաստանում ստեղծված ներհաղադակային իրավիճակի, իշխանություն-ընդդիմություն մեծահասակ վեճերի վերաբերյալ գրուցել է «Քաղաքացիական դաշմանագիր» խմբակցության տասնամյակը Հրաչյա Հակոբյանի հետ:



-Պարոն Հակոբյան, ԱԺ-ն հերթական նիստն է հրավիրել, եւ իրավիճակը այս անգամ եւ լարվեց: Մի կողմից՝ թե՛ Հայաստանում եւ թե՛ Արցախում իրավիճակը լարված է, մյուս կողմից՝ ԱԺ-ում պատգամավորները չեն կարողանում ընդհանուր հայտարարի գալ, անվտանգային հարցերի փոխարեն վիճում են: Ի՞նչ կասեք այս մասին: Որքանով են խորհրդարանում քննարկվող այս հարցերը համապատասխանում ստեղծված անվտանգային իրավիճակին:

-Խորհրդարանում օրակարգային հարցեր պետք է քննարկվեն. կա կոնկրետ օրակարգ, բայց կան պատգամավորներ, որոնք սադրիչ գործողություններ են իրականացնում, սադրիչ արտահայտություններ են անում, որի հետեւանքով նման իրավիճակ է ստեղծվում, ինչը, այո՛, չպետք է լինի: Սակայն այդ սադրիչ արտահայտություններն ու գործողությունները «Քաղաքացիական պայմանագիր» կուսակցության անդամները չեն անում:

-Պարոն Հակոբյան, ձեր խմբակցությունը խորհրդարանում մեծամասնություն է: Չե՞ք կարծում, որ այս իրավիճակը հարթելու, խնդիրները լուծելու հիմնական պատասխանատվությունը դուք եք կրում, Ժողովուրդը դրա համար է ձեզ մանդատ տվել եւ ոչ թե ԱԺ-ում վիճարկություններ անելու, վիճակը թե՛ծացնելու:

-Սեղձը դուք եք պատասխանատվություն կրում, եւ մնացած խմբակցությունները թույլ տան իրենց ամեն ինչ, կարծում եմ այդքան էլ արդար չէ: Մեր ընտրողը մանդատ է տվել, որպեսզի մենք այստեղ աշխատենք՝ ի շահ Հայաստանի Հանրապետության, եւ եթե իրենք կարող են ասել, որ,

օրինակ, իրենց ընտրողներն էլ իրենց մանդատ են տվել, որ գան նման սադրիչ գործողություններ իրականացնեն, խրամատավորվեն, փորձեն մեզ օր ու արեւ չտալ, թող այդպես էլ անեն:

-Ձեր իշխանությունը հատկապես քննադատության կենտրոնում է հայտնվել նրա համար, որ ընտրություններից առաջ ձեր նախընտրական արշավում խուսում էիք Արցախի խնդիրների լուծման մասին, բայց հիմա եկել եք իշխանության եւ ձեր խոստացածը չեք կատարում, ասածի հակառակն եք անում: Ինչո՞ւ է սա պայմանավորված:

-Մենք քարոզարշավի շրջանակներում մեր ընտրողների հետ խոսել ենք խաղաղության օրակարգի մասին եւ հասկացել ենք, որ նրանք ողջունում են խաղաղության օրակարգը, այսօր մենք գնում ենք հենց խաղաղության օրակարգով, եւ վստահաբար կարող ենք ասել, որ երկրորդ

կամ հետին պլան չի մղվել արցախահայության կամ Արցախի հարցը: Մենք տեսնում ենք, թե մեր պատվիրակությունները ինչպես են բոլոր հնարավոր տեղերում բարձրացնում Արցախի ու արցախահայության հարցը:

-Բայց ի՞նչ գին է պահանջում ձեր նշած խաղաղությունը: Արդյոք Ժողովուրդը մանդատ տվել է խաղաղություն հաստատելու՞ գիշումների գոհերի, կրակոցների հաշվին:

-Ի՞նչ գիշումների մասին է խոսքը: Ժողովուրդը մանդատ է տվել, որ մենք գնանք խաղաղության: Եթե կա որեւէ ուժ, որ մտածում է, որ իրենք մանդատ ունեն Ժողովուրդի կողմից, որ պետք է գնան նոր պատերազմների, թող գան, ԱԺ ամբիոնից կամ ցանկացած տեղից հայտարարեն այդ մասին:

Զրուցեց ԲԻՒՍԻՆԱ ՍՈՒՇԵՂՅԱՆԸ

ԲԱՐՁՐԱՑԵԼ Է ՏՆՏԵՍԱԿԱՆ ԱԿՏԻՎՈՒԹՅՈՒՆԸ

Հայաստանում տնտեսական ակտիվությունը բարձրացել է: «Ժողովուրդ» օրաթերթը Վիճակագրական կոմիտեից տեղեկացավ, որ 2023-ի հունվար-մայիսին, նախորդ տարվա նույն ժամանակահատվածի համեմատ, Հայաստանում տնտեսական ակտիվության ցուցանիշը (SUS) կազմել է 12,5%: 2023-ի մայիսին 2022-ի մայիսի նկատմամբ տնտեսական ակտիվությունը եղել է 13,7 տոկոս, այսինքն՝ բարձր աճն արձանագրվել է՝ նախորդ տարվա արդեն բարձր ցուցանիշների համեմատ:

Այս տարվա առաջին հինգ ամիսներին համեմատաբար բարձր աճ է արձանագրվել առեւտրի շրջանառությունում՝ 24,5%, ծառայությունների ոլորտում՝ 19,9%, շինարարությունում՝ 16,7: Արդյունաբերության ոլորտում աճը կազմել է 3%:

ՀՐԱԺԱՐՎՈՒՄ ԵՆ ՏԱՐԱԾՔ ՏՐԱՄԱԳԻՐԵԼ

«Հայաքվե» նախաձեռնության լիազոր ներկայացուցիչ Արամ Պետրոսյանը երեկ հրավիրված մամուլի ասուլիսին հայտնեց, թե որ թաղապետարաններն են հրաժարվել տարածք տրամադրել իրենց ստորագրահավաքի համար, եւ ինչ իրավական գործընթաց է սկսվել:

«Հունիսի 20-ին ՀՀ ԿԸՅ-ն գրանցել է մեր նախաձեռնությունը եւ նրա լիազոր անձին, որից անմիջապես հետո՝ նույն օրը, Երեւանի բոլոր վարչական շրջաններին իմ ստորագրությամբ դիմում է ներկայացվել, որպեսզի տարածք տրամադրեն:

Դա «Հանրաքվեի մասին» օրենքով է կարգավորվում: Մեզ համար զարմանալիորեն որոշ վարչական շրջաններից մերժման պատասխաններ ստացանք, մեծ մասը դեռ չի էլ պատասխանել: Որոշ վարչական շրջանների ղեկավարներ պատասխանել են, որ իրենք ազատ տարածքներ չունեն, իսկ որոշներն էլ պատասխանել են, որ Երեւանի քաղաքապետարանի իրավաբանական վարչությունից ստացել են գրավոր ցուցում, այն է՝ 2022 թվականի ավագանու ինչ-որ որոշման հիման վրա՝ իրենք չեն կարող տարածք տրամադրել:

Մեր նախաձեռնությանը մերժել են Ավան, Նոր Նորք, Կենտրոն, Նուբարաշեն, Աջափնյակ վարչական շրջանները», - նշեց նա:

Պետրոսյանը նաեւ հավելեց, որ նմանատիպ նամակներ են ստացել մի շարք համայնքներից եւս. «Սպիտակ եւ Դիլիջան համայնքներից ենք ստացել: Մի մասը պատասխանել է, որ տարածքներ չունեն: Ունենք դրական պատասխաններ Մասիս, Արարատ, Իջեւան, Աշոցք, Ալավերդի, Արմավիր, Մեղրի չարենցավան համայնքներից:

ԱՆՈՐԱՂԱՐՁ

ԽԱՂԱՂԱՊԱՆՔՆԵՐՆ ՈՒ ԼԱԶԻՆԻ ՄԻՋԱՆՅՔԸ

«Միայն Կարմիր խաչի միջոցով հիվանդներին տեղափոխելը բացարձակ հարցի լուծում չէ, որովհետեւ Կարմիր խաչը ճանաչում է միայն ծայրահեղ ծանր վիճակում զսնվող մարդկանց, բայց այնտեղ ունենի լրջագույն խնդիրներով խրոնիկ հիվանդություն ունեցողներին, արհեստագիտական հիվանդություններ ունեցողներին», - հունիսի 26-ին ԱԺ-ում լրագրողների հետ զրույցում նշեց ԱԺ մարդու իրավունքների դաշտամուրհան Եւսեբյանը:



«Մարդիկ Արցախում ունեն մանկական կերի խնդիր, տակդիրի խնդիր: Այսինքն՝ ունենք հումանիտար լրջագույն ճգնաժամ, իսկ իշխանությունը զբաղված է նրանով, որ առավել սաղավարտներով զինված եկել է ընդդիմությանը քննադատելու անհեթեթ պատճառաբանությամբ:

Մենք ունենք լրջագույն խնդիրներ են ՀՀ սահմանին, եւ միջազգային հանրության հետ աշխատանքում, որ ահագնազենք, թե ինչ է կատարվում մեր երկրի շուրջ: Հայաստանի սուվերետն տարածքը վտանգված է ամեն օր՝ 24 ժամ: Մենք կարծես հարմարվել ենք Արցախի շրջափակմանը: Նույնիսկ եթե Կարմիր խաչի՝ հիվանդ-

ներին տեղափոխելը վերականգնվել է, եւ դա համարում են, մեղմ ասած, ոչ բավարար: Դա նշանակում է 1-2 մարդ փրկել, բայց 120 հազար մարդու կյանք այսօր վտանգված է», - ասաց նա:

Թովմասյանի խոսքով՝ ի տարբերություն աշխարհի այլ երկրների՝ ՌԴ-ն այն երկիրն է, որը երաշխավորել է Նոյեմբերի 9-ի հայտարարության ստորագրումը եւ ՌԴ նախագահը ստորագրել է այն. «Իսկ հայտարարության մեջ գրված է, որ պետք է Լա-

ջինի միջանցքը գործի անխափան, երկկողմանի, եւ դրա երաշխավորը ՌԴ-ն է: Այսինքն՝ միայն կոչ անելը այս դեպքում խիստ անբավարար է, պետք է կոնկրետ գործիքակազմերի կիրառում, խաղաղապահները պետք է ուժով բացեն այդ ճանապարհը, եւ դա պետք է անելն առաջին օրվանից, ոչ թե թողնելն, որ ադրբեջանցիները էստեղ սկաներ դրեին, սարքեր են դրել էլ այլն: Ռուս խաղաղապահները պարտավոր են դա անել»:

ԱՐԴՅՈՒՆՔՆԵՐ

ԻՐԱՐԱՆՑՈՒՄ՝ ՀԱՆՈՒՆ ՓԱՇԻՆՅԱՆԻ

ՊԼԱՆԱՎՈՐՎԱԾԻՑ ԶԻՉ

ԱՎՏՈՒՐՆԵՐ ԵՐԹՈՒՂՈՒՄ



«Պլանավորվածի համեմատ՝ փաստացի երթուղի է դուրս եկել 11 տոկոսով պակաս ավտոբուս»,- Երեւանի քաղաքապետարանի գործակալարձակարական հերթական նիստի ժամանակ զեկուցեց «Երեւանի ավտոբուս» ՓԲԸ տնօրենը:

Նիստը նախագահող փոխքաղաքապետ Տիգրան Ավինյանն ասաց՝ շատ վատ ցուցանիշ է, որ ավտոբուսները պլանայինից 11 տոկոսով պակաս են երթուղի դուրս գալիս: Նա նշեց, որ «Երեւանի ավտոբուս» ՓԲԸ հիմնական գործը հասարակական տրանսպորտի սպասարկումն է եւ կազմակերպումը:

«Հետեւապես, մեր գործընկերների խնդրանքները եւ ավտոբուսներն այլ ուղղությամբ օգտագործելը չի խրախուսվում, եթե մենք ունենք պլանայինից շեղումներ:

Եթե կունենանք ավելի ավտոբուսներ, այդ ժամանակ կարող ենք օգնել մեր գործընկերներին:

Բայց Երեւանում ավտոբուսների քանակը միշտ պետք է պլանայինին մոտ լինի, մնացածն արդեն ածանցյալ է: Քիչ ավտոբուս դուրս եկավ, ժամանակային ինտերվալներն ավելի մեծացավ, մարդիկ գործից ուշացան»,- ասաց նա:

ԷԿՐԱՆՆԵՐ՝ ԿԱՆԳԱՌՆԵՐՈՒՄ

«Մեզ պետք է արդեն մտածել, որ կանգառներում համապատասխան էկրաններ լինեն, որպեսզի մարդիկ իմանան՝ ավտոբուսը որտեղ է եւ քանի րոպեից կանգառում կլինի»,- հունիսի 26-ին՝ գործակալարձակարական նիստի ժամանակ, ասաց Երեւանի փոխքաղաքապետ Տիգրան Ավինյանը:

Քաղաքապետի տեղակալը հանձնարարեց այս ուղղությամբ աշխատել:

Երեւանի քաղաքապետարանի տրանսպորտի վարչության պետ Վազգեն Հարությունյանն էլ ներկայացրեց, որ արդեն ներդրվել է օնլայն քարտեզի վրա հանրային տրանսպորտի տեղաշարժը ֆիքսելու հավելված:

Բացի այդ, Հարությունյանը հայտնեց, որ բավական ծանր բանակցություններից հետո շաբաթ օրը գրավոր հաստատում են ստացել, որ Zhong Tong ընկերությունը պատրաստ է հավելյալ 30 ավտոբուս տալ նույն պայմանագրի շրջանակներում՝ առանց պայմանագիրը փոփոխելու, այսինքն՝ առանց հավելյալ նոր վճարի:

Երեկ մեկնարկեց ԱԺ արտաերթ նախաժամերը: Ի սկզբանե ՔՊ-ական դասգամավորները՝ ԱԺ նախագահ Ալեն Սիմոնյանի գլխավորությամբ, ամեն ֆայլի դիմում էին, որոնցով խորհրդարանի դահլիճում միայն ներկա զսնվեին ՔՊ դասգամավորները: «Ժողովուրդ» օրաթերթը նկատեց, որ սկզբում ԱԺ նախագահ Ալեն Սիմոնյանը «խռովեց» ընդդիմադիրներից եւ դուրս եկավ դահլիճից, առաջ քիչ հետո արդեն սկսեցին ՔՊ-ականները ընդդիմադիրների հեռ լեզվակռվի մեջ մտնել եւ «ռեզիլկներ» անել:

Հիշեցնենք, որ երեկ՝ ԱԺ «Հայաստան» խմբակցության պատգամավոր Արծվիկ Մինասյանի ելույթից հետո, ԱԺ-ում լարված իրավիճակ ստեղծվեց: Ելույթին արձագանքեց ԱԺ նախագահ Ալեն Սիմոնյանը. «Դուք Ձեր կյանքով զբաղվեք, հա, Ձեր արժանապատվությունով, Ձեր կյանքով, Ձեր արածներով. դատական նիստի ժամանակ կխոսենք դրա մասին»,-նշեց ԱԺ նախագահը: Դահլիճում նույնպես կրքերը թեժացան, պատգամավորները սկսեցին տեղից խոսել եւ «հաթաթաներ» տալ միմյանց:

Այնուհետեւ ելույթի համար ամբիոնին մոտեցավ խմբակցության ղեկավար Հայկ Կոնջորյանը, սակայն նրա ելույթը չսկսված ընդհատվեց Մինասյանի, Սիմոնյանի եւ Օհանյանի միմյանց հանդեպ ուղղված վիրավորանքներով:

Հայկ Կոնջորյանը միջամտեց՝ դիմելով Սեյրան Օհանյանին. «Դուք դաստիարակություն ստացել էք, լռություն, ձայնդ, առանց հավելյալ տվյալանքների»:

ԱԺ փոխնախագահ Ռուբեն Ռուբինյանն էլ արձագանքեց. «Պարոն Օհանյան, պատգամավորների հետ խոսում եք «Դուք»-ով»:



Կոնջորյանը նորից անդրադարձավ Օհանյանի եւ Սիմոնյանի միջեւ տեղի ունեցած խոսակցությանը. «Դահլիճի մեծ մասը չստեղծեց, թե Դուք ինչ ասացիք ԱԺ նախագահին: Սրիկան Դուք եք, ԱԺ նախագահին Դուք ասացիք՝ սրիկա: Սրիկան Դուք եք եւ լուռ պետք է լսեք: Պապանձվիր, ձայնդ»:

Հայտարարվեց ընդմիջում: Ընդմիջումից հետո ընդդիմադիր «Պատիվ ունեն» եւ «Հայաստան» խմբակցությունները որոշում կայացրին չմասնակցել նիստին:

«Ժողովուրդ» օրաթերթի տեղեկությունների համաձայն՝ հայրենի իշխանությունները դիտավորյալ են կազմակերպել այս ամենը, քանի որ նպատակ ունեին շատ արագ ավարտել արտահերթ նստաշրջանը, որովհետեւ այսօր առավոտյան ժամը 10:00-ին, ՀՀ վարչապետ Նիկոլ Փաշինյանը կրկին պետք է ներկայանա 44-օրյա պատերազմի հանգամանքների վերաբերյալ ԱԺ քննիչ հանձնաժողով՝ պատասխանելու հանձնաժողովի անդամների հարցերին:

ՔՆՆԱՐԿՈՒՄ

ՄԻՋԱԶԳԱՅԻՆ ՀԱՄԱԳՈՐԾԱԿՑՈՒԹՅԱՆ ՀԱՐՑԵՐ

Հայաստանը շուտով կավարժի Մարգարյուն ենթակառուցվածքների կարգի բերման աշխատանքները. հայկական կողմը հուսով է, որ բուրգական կողմը եւս կդադի երրորդ երկրների ֆաղաֆաղների եւ դիվանագիտական անձնագիր ունեցողների համար սահմանը բացելու վերաբերյալ ձեռք բերված դայմանավորվածությունը. այս մասին ասաց Հայաստան-Թուրքիա հարաբերությունների կարգավորման գործընթացում Հայաստանի հասուկ ներկայացուցիչ, ԱԺ փոխնախագահ Ռուբեն Ռուբինյանը խորհրդարանական ճեղագրույցում:



«Վերջին պայմանավորվածությունը եղել է հետեւյալը, որ զբոսաշրջային սեզոնի սկզբում պետք է ցամաքային սահմանը բացվի երրորդ երկրների քաղաքացիների եւ դիվանագիտական անձնագիր ունեցող անձանց համար: Հայկական կողմն աշխատանքներ է տանում Մարգարյուն համապատասխան ենթակառուցվածքները կարգի բերելու համար, շատ շուտով կավարտենք: Եվ հույս ունենք, որ թուրքական կողմը եւս կպահի պայմանավորվածությունը, եւ այս ամառվա ընթացքում պայմանավորվածությունները կիրագործվեն»,-ասաց Ռուբինյանը:

Նա վստահեցրեց, որ գործընթացը կանգնած վիճակում չէ, ինքն ըստ անհրաժեշտության խոսում է Թուրքիայի

հատուկ ներկայացուցչի հետ: Այս պահին հանդիպման մասին պայմանավորվածություն չկա դեռեւս:

Անդրադառնալով դիտարկմանը, որ որոշ ժամանակ առաջ հատուկ ներկայացուցիչները բավականին ակտիվ հանդիպումներ էին ունենում, իսկ հիմա՝ ոչ, Ռուբինյանը դա բնական համարեց՝ նշելով, որ հիմա ունեն կոնկրետ պայմանավորվածություն՝ սահմանը բացելու առումով:

«Եվ շատ կարեւոր է, որ այդ պայմանավորվածությունը կյանքի կոչվի: Նման գործընթացներում, երբ վստահության

դեֆիցիտ կա, շատ կարեւոր է, որ պայմանավորվածություններն իրագործվեն: Եթե իրագործվեն, վստահությունը կավելանա, եթե չիրագործվեն, բնականաբար, կպակասի»,-ասաց Ռուբինյանը:

Ավելի վաղ հայկական կողմը հայտարարել էր, որ իր կողմից աշխատանքներ է տանում Մարգարա անցակետը կառավորելու համար, կատարվում են աշխատանքներ, որպեսզի հայկական կողմը պատրաստ լինի պայմանավորվածություններն իր կողմից իրականացնելու համար:

ՂԱՏԱՊԱՐՏՎԱԾ

ԽԱՐԴԱԽՈՒԹՅՈՒՆՆ ԸՄ ԱՐԲԱՆՆՈՒԹՅԱՆ ՆՈՐ ՊԵՏԸ

Երեկ «Երեւանի աղբահանություն եւ սանիտարական մաքրում» համայնքային հիմնարկի նոր սֆորեմ նշանակվեց Բագրատ Աղաջանյանը, որը նախկինում խարդախության եւ կեղծ դաշնակցական փաստաթղթերի համար մարդկանց է խաբել ու դատապարտվել է:



Երեկ՝ քաղաքապետարանի գործակարգավարական հերթական նիստի ժամանակ, Երեւանի քաղաքապետի տեղակալ Տիգրան Ավինյանը հայտարարեց, որ «Երեւանի աղբահանություն եւ սանիտարական մաքրում» համայնքային հիմնարկի նոր տնօրեն է նշանակվում Բագրատ Աղաջանյանը: «Ժողովուրդ» օրաթերթը փոքրիկ հետաքննություն իրականացրեց՝ հասկանալու համար, թե ով է Աղաջանյանը. նա, ոչ ավել, ոչ պակաս, խարդախության համար դատապարտված է եղել: Խոսենք փաստերով:

համար իրացնելով եւ օգտագործելով նաեւ կեղծ փաստաթղթեր՝ ՂԱՅԿ ծառայության դրամարկի մուտքի օրդերի կեղծ անդորրագրեր (այսուհետեւ՝ նաեւ մուտքի անդորրագիր) եւ բնակարանների առուվաճառքի կեղծ պայմանագրեր՝ Ռուբեն Գալստյանը, Բագրատ Աղաջանյանը եւ անհայտ անձը, խաբեությամբ եւ չարաշահելով տուժողների վստահությունը, խարդախությամբ տիրացել են նրանց առանձնապես խոշոր չափերի գումարներին, իսկ երկու դեպքում էլ չեն կարողացել հանցանքն ավարտին հասցնել իրենց կամքից անկախ հանգամանքներով:

նր Մուշեղ Բարսամյանի լիազորված անձին՝ Ազնիվ Կարապետյանին, տարել է ԶՅ ԱՆ ՂԱՅԿ ծառայության՝ Երեւան քաղաքի Զալարյան 41Ա հասցեում գտնվող վարչական շենք, որտեղ՝ նշված ծառայության դրամարկորում, Ռուբեն Գալստյանը, Մուշեղ Բարսամյանի փոխարեն, Ազնիվ Կարապետյանի անվամբ վերը նշված թիվ 188996 լոտի հաշվեհամարին վճարել է 30.567 ԶԶ դրամ գումար: Նույն օրը՝ ժամը 15.09-ին, Ռուբեն Գալստյանը, նախապես փակելով իր կողմից օգտագործվող 094 51-70-20 հեռախոսահամարը, հեռախոսազանգ է կազմակերպել նշված հեռախոսահամարից Ազնիվ Կարապետյանի 094 11-01-74 հեռախոսահամարին, եւ անհայտ անձը, ներկայանալով ՂԱՅԿ ծառայության աշխատակից, Ա.Կարապետյանին իրականությանը չհամապատասխանող տեղեկություն է հայտնել ՂԱՅԿ ծառայության հարկադիր էլեկտրոնային աճուրդում շահելու մասին: Հաջորդող օրերի ընթացքում Ռուբեն Գալստյանը Մուշեղ Բարսամյանին է տվել գործով չպարզված հանգամանքներում իր, Բագրատ Աղաջանյանի եւ չարազված անձի կողմից պատրաստված կեղծ փաստաթուղթ՝ 22.220.000 ԶԶ դրամ ՂԱՅԿ ծառայության դրամարկի մուտքի կեղծ անդորրագիր, որից հետո՝ 2012թ. դեկտեմբերի վերջին, Ռուբեն Գալստյանը Մուշեղ Բարսամյանին է ցուցադրել գործով չպարզված հանգամանքներում իր, Բագրատ Աղաջանյանի եւ չարազված անձի կողմից պատրաստված կեղծ փաստաթուղթ՝ ՂԱՅԿ ծառայության անունից կնքված առուվաճառքի կեղծ պայմանագիր, այն տվել ստորագրելու Ազնիվ Կարապետյանին՝ հավաստիացնելով, որ 2013թ. հունվարի 08-ին բնակարանի առուվաճառքի գործարքը կնքումը կկատարվի:

Նախաքննական մարմինը 2013 թվականին Ռուբեն Գալստյանին եւ քիչ առաջ «Երեւանի աղբահանություն եւ սանիտարական մաքրում» համայնքային հիմնարկի նոր տնօրեն նշանակված Բագրատ Աղաջանյանին ԶԶ քրեական օրենսգրքի 178-րդ հոդվածի 3-րդ մասի 1-ին կետով (4 դրվագներով), ԶԶ քրեական օրենսգրքի 34-178-րդ հոդվածի 3-րդ մասի 1-ին կետով (2 դրվագներով) եւ ԶԶ քրեական օրենսգրքի 325-րդ հոդվածի 2-րդ մասով (6 դրվագներով) մեղադրանք է առաջադրել այն բանի համար, որ նրանք «գործով չպարզված անհայտ անձի հետ նախնական համաձայնությամբ կատարել են ուրիշի առանձնապես խոշոր չափերի գույքի հափշտակություններ եւ հափշտակությունների փորձեր խարդախության եղանակով, ինչպես նաեւ նույն կազմով նախնական համաձայնությամբ պատրաստել, իրացրել եւ օգտագործել են անհայտ կեղծ փաստաթղթեր»:

Դրվագ 1. Այսպես, Ռուբեն Գալստյանը Բագրատ Աղաջանյանի եւ անհայտ անձի հետ համաձայնության է եկել առանձնապես խոշոր չափերի հափշտակություն կատարել խարդախության եղանակով եւ 2012թ. սեպտեմբերին տեղեկանալով, որ իր հոր ընկեր Մուշեղ Զեւրիկի Բարսամյանը Երեւան քաղաքում բնակարան գնելու ցանկություն ունի Բելոռուսիայի Հանրապետությունում բնակվող փեսայի՝ Ռուբեն Գրիգորյանի համար, առաջարկել է Մ. Բարսամյանին օգնել ԶԶ ԱՆ ՂԱՅԿ ծառայության հարկադիր էլեկտրոնային աճուրդով ձեռք բերելու շուկայական արժեքից էապես էժամանակ Երեւան քաղաքի Հյուսիսային պողոտա թիվ 3 շենքի 1 եւ 1/1 հասցեի բնակարանը: ՂԱՅԿ ծառայության հարկադիր էլեկտրոնային աճուրդում գտնվող Քաջարյան քաղաքի Բարիկազյան թաղամասի թիվ 2 շենքի թիվ 39 բնակարանի թիվ 188996 լոտի տակ ներկայացնելով ՂԱՅԿ ծառայության աճուրդում չգտնվող եւ երբեք չգտնված Երեւան քաղաքի Հյուսիսային պողոտա թիվ 3 շենքի 1 եւ 1/1 հասցեի բնակարանը՝ Ռուբեն Գալստյանը Մուշեղ Բարսամյանի հետ այն 55.000 ԱՄՆ դոլարով վաճառելու վերաբերյալ համաձայնության է եկել, համակարգչով ցուցադրել բնակարանի նկարներ եւ երկու մասով՝ 18.09.2012թ. Երեւան քաղաքի Բաղրամյան պողոտայում առձեռն, ապա 03.10.2012թ. «Ալբա-կրեդիտ ագրիկոլ բանկ» ՓԲ ընկերությունում իր քեւնի Գայանե Լոբյանի հաշվեհամարին փոխանցում կատարելով, Մ. Բարսամյանից ստացել է 55.000 ԱՄՆ դոլար: Վերջինիս վստահությունը ձեռք բերելու համար Ռուբեն Գալստյանը շուրջ 10 օր անց վերադարձրել է նշված գումարը՝ պատճառաբանելով, թե գործը չի ստացվում, սակայն որոշակի ժամանակ՝ 2012թ. նոյեմբերին, Ռուբեն Գալստյանը կրկին հանդիպել է Մուշեղ Բարսամյանին եւ հայտնելով, թե կարճ ժամանակահատվածում վերը նշված բնակարանի առուվաճառքի գործարքը կկազմակերպվի, վերջինիցս վերցրել է առանձնապես խոշոր չափերի գումար՝ 22.366.300 ԶԶ դրամին համարժեք 55.000 ԱՄՆ դոլար եւ Բագրատ Աղաջանյանի ու անհայտ անձի հետ խարդախությամբ հափշտակել այն: Այսուհետեւ՝ 22.11.2012թ. կեսօրին, Ռուբեն Գալստյանը

տուժող Ռուբեն Գրիգորյանի դրվագով՝ ԶԶ քրեական օրենսգրքի 178-րդ հոդվածի 3-րդ մասի 1-ին կետով՝ ազատազրկում 5 (հինգ) տարի 6 (վեց) ամիս ժամկետով՝ առանց գույքի բռնագրավման,

ԶԶ քրեական օրենսգրքի 325-րդ հոդվածի 2-րդ մասով՝ տուգանք՝ նվազագույն աշխատավարձի հինգհարյուրապատիկի՝ 500.000 (հինգ հարյուր հազար) ԶԶ դրամի չափով,

տուժող Լաուրա Նահապետյանի դրվագով՝

ԶԶ քրեական օրենսգրքի 178-րդ հոդվածի 3-րդ մասի 1-ին կետով՝ ազատազրկում 5 (հինգ) տարի 6 (վեց) ամիս ժամկետով՝ առանց գույքի բռնագրավման,

ԶԶ քրեական օրենսգրքի 325-րդ հոդվածի 2-րդ մասով՝ տուգանք՝ նվազագույն աշխատավարձի հինգհարյուրապատիկի՝ 500.000 (հինգ հարյուր հազար) ԶԶ դրամի չափով,

տուժող Կարեն Աբրահամյանի դրվագով՝

ԶԶ քրեական օրենսգրքի 178-րդ հոդվածի 3-րդ մասի 1-ին կետով՝ ազատազրկում 5 (հինգ) տարի 6 (վեց) ամիս ժամկետով՝ առանց գույքի բռնագրավման,

ԶԶ քրեական օրենսգրքի 325-րդ հոդվածի 2-րդ մասով՝ տուգանք՝ նվազագույն աշխատավարձի հինգհարյուրապատիկի՝ 500.000 (հինգ հարյուր հազար) ԶԶ դրամի չափով,

տուժող Գեւորգ Կարապետյանի դրվագով՝

ԶԶ քրեական օրենսգրքի 178-րդ հոդվածի 3-րդ մասի 1-ին կետով՝ ազատազրկում 5 (հինգ) տարի 6 (վեց) ամիս ժամկետով՝ առանց գույքի բռնագրավման,

ԶԶ քրեական օրենսգրքի 325-րդ հոդվածի 2-րդ մասով՝ տուգանք՝ նվազագույն աշխատավարձի հինգհարյուրապատիկի՝ 500.000 (հինգ հարյուր հազար) ԶԶ դրամի չափով:

Կիրառելով ԶԶ քրեական օրենսգրքի 66-րդ հոդվածի 4-րդ մասը եւ նշանակված պատիժները մասնակիորեն գումարելով՝ Բագրատ Գագիկի Աղաջանյանի նկատմամբ որպես վերջնական պատիժ նշանակել են ազատազրկում 7 (յոթ) տարի 6 (վեց) ամիս ժամկետով՝ առանց գույքի բռնագրավման, եւ տուգանք՝ նվազագույն աշխատավարձի ինստիտյուրապատիկի՝ 900.000 (ինը հարյուր հազար) ԶԶ դրամի չափով:

Բագրատ Աղաջանյանի պատժի կրման սկիզբը հաշվել են 2013թ. փետրվարի 9-ից:

Դատարանի 2013 թվականի այս քննությունը եւ որոշումը ունենալով՝ հարց է առաջանում՝ ինչպես է Երեւանի քաղաքապետի տեղակալ Տիգրան Ավինյանը «Երեւանի աղբահանություն եւ սանիտարական մաքրում» համայնքային հիմնարկը, որն ունի մոտ 5 միլիարդ բյուջե, վստահում Բագրատ Աղաջանյանին: Ի՞նչ անվտանգության երաշխիքներ կան, որ նախկինում դատապարտված Աղաջանյանը նույնը չի անի «Երեւանի աղբահանություն եւ սանիտարական մաքրում» համայնքային հիմնարկում:

Նկատենք, որ նախկինում դատապարտվածը, «Հանրային ծառայությունների մասին» օրենքի 14 հոդվածի առաջին մասի համաձայն, չի կարող պաշտոն զբաղեցնել, մինչդեռ Աղաջանյանին նոր պաշտոն են տվել:

Մեր հետաքննությունը՝ Բագրատ Աղաջանյանի մասով, շարունակելի...
ՔՆՈՐ ՄԱՆՈՒԿՅԱՆ

● Ըստ ոստիկանության տվյալների՝ հունիսի 23-ից 26-ը Հայաստանի Հանրապետությունում բացահայտվել է հանցագործության 144 դեպք, որոնցից 4-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՄԱՐԶ

ԹԱԶՅՐԱԾ ՊԵՏԱԿԱՆ ԳԱՎԱՃԱՆՈՒԹՅԱՆ ԳՈՐԾ

Տավուշի մարզի առաջին ատյակի դատարանի Իջեան քաղաքի նստավայրում, դատավոր Սամվել Մարդանյանի նախագահությամբ, ընթանում է Բերդ համայնքի Իծաքար գյուղի բնակիչ, 1992 թվականին ծնված Գեղամ Արթուրի Գինոյանի դատավարությունը: Նրան մեղադրանք է առաջարկվել այն բանի համար, որ նա, հանդիսանալով ՀՀ ՊՆ թիվ 2 զորամասի պայմանագրային զինծառայող, դասակարգվել է որպես զինվոր, ի պաշտոնե հնարավորություն ունենալով առնչվելու պետական եւ ծառայողական գաղտնիք կազմող տեղեկությունների եւ փաստաթղթերի, ինչպես նաեւ ռազմական բնույթի այլ տեղեկությունների հետ, լրտեսության, օտարերկրյա պետության ներկայացուցիչներին ռազմական բնագավառում պետական, ծառայողական գաղտնիք հանդիսացող եւ ռազմական բնույթի այլ տեղեկություններ հանձնելու, թշնամական գործունեություն իրականացնելու համար օտարերկրյա հատուկ ծառայությունների ներկայացուցչին այլ օգնություն ցույց տալու եղանակներով կատարել է պետական դավաճանություն՝ ի վնաս Հայաստանի Հանրապետության տարածքային անձեռնմխելիության եւ արտաքին անվտանգության: Գ. Գինոյանին մեղադրանք է առաջարկվել՝ ՀՀ քրեական օրենսգրքի 418-րդ հոդվածի 1-ին մասով: Սույն հոդվածը որպես պատիժ նախատեսում է 15-20 տարի ժամկետով ազատազրկում կամ ցմահ ազատազրկում: Գ. Գինոյանի նկատմամբ խափանման միջոց է ընտրվել կալանավորումը: Սույն քրեական գործի վերաբերյալ տեղեկատվությունը դատական տեղեկատվական «Դատալեքս» կայքում թաքցված է:

ԲԺԻՇԿՆԵՐԻ ԵՎ ՈՒՍՈՒՑԻՉՆԵՐԻ ՊԱԿԱՍ


Տավուշի մարզի առողջապահական հիմնարկներում բժիշկ-մասնագետների պակաս է զգացվում: Մարզում բժիշկներ կան, որոնք վարոց կենսաթոշակային տարիքի են, սակայն փոխարինող բժիշկ չկան: Տավուշի մարզպետարանի տվյալներով՝ Տավուշի մարզպետարանի ենթակայության գործում է 21 բժշկական հաստատություն, դրանց աշխատակիցների ընդհանուր թիվը 638 է, որից կենսաթոշակի տարիքի են 96-ը: Բժիշկների պակասությունն առկա է առողջապահական հետեյալ հիմնարկներում՝ «Իջեանի ԲԿ» - մանկական անեսթեզիոլոգ-ռեանիմատոլոգ-1 հաստիք, շտապ օգնության բժիշկ-4, քիթ-կրկրորդ-ականջաբան-1, «Իջեանի ԱՄԿ»-ընտանեկան բժիշկ-2, «Արծվաբերդի ԱԿ» ՊՈԱԿ-մանկաբույժ-1, «Մովսեսի ԱՄԿ» ՊՈԱԿ-մանկաբույժ-1, «Նոյեմբերյանի ԲԿ» ՓԲԸ- թերապեւտ-1, հեմոդիալիզի բժիշկ-1, կարդաբան-1, սրտաբան-1, մանկաբույժ-1, վիրաբույժ-1, շտապ օգնության բժիշկ-1, «Բագրատաշենի ԳԲԱ» ՊՈԱԿ- ընտանեկան բժիշկ-1, ինչպես նաեւ 4 ընտանեկան բժիշկ-տնօրեն՝ Ներքին Կարմիրաբերդի, Արծվաբերդի, Խաչաթառակի, Ազատամուտի ԱՄԿ-ներում: Սահմանափակ մարզում նաեւ ուսուցիչների պակաս կա: Տավուշի մարզի հանրակրթական 76 դպրոցներում ընդհանուր առմամբ աշխատում են 1830 ուսուցիչ եւ ուսուցչի օգնական, բազմաթիվ ուսուցիչներ չունեն բարձրագույն մանկավարժական կրթություն: Տավուշի մարզի հանրակրթական դպրոցներում առկա է ուսուցչի 27 թափուր հաստիք՝ տարբեր առարկաների գծով:

ՈՍԿԱՆ ՍԱՐԳՅԱՆ Տավուշ

ԼՈՒԹՈՒՄՆԵՐ

«ՎԵՈՒԽԱ ԶՈՒՐ»-Ն ՈՒ ԲԱՂԱՔԱՑԻՆԵՐԻ ԲՈՂՈՔՆԵՐԸ

Հայաստանի գործառնների միության նախագահ Գագիկ Մակարյանը «Ժողովուրդ» օրաթերթի հեռ գրույցում անդրադարձել է «Վեուխա ջուր» ընկերությանը՝ նշելով, որ վերջինս օգտվում է սեղծված իրավիճակից, եւ մի քանի բնակավայրերում բնակիչները խմելու ենթակա ջուր չունեն: Մակարյանի խոսքով՝ դեռ է հարցին լուծում սալ, ոչ թե խնդիրները զգել իրար վրա:



«Պարոն Մակարյան, երեւանցիները շատ են բողոքում «Վեուխա ջուր» ընկերությունից: «Ժողովուրդ» օրաթերթը եղել է մի քանի հասցեներում, որտեղից եկել են բողոքները. վիճակն ահավոր է: Այս մասին ի՞նչ կասեք: -«Վեուխա ջուր»-ը ժամանակակից ընկերություն է: Այն ֆրանսիական կազմակերպություն է՝ ներկայացված Հայաստանում: Իր գործողությունները պետք է լինեն ժամանակակից տեխնոլոգիաներով եւ այնպիսի մեթոդներով, այնպիսի որակով, որը հարիր է նման կազմակերպությանը: Ցավոք սրտի, երբ մենք խորանում ենք կոնկրետ գործողությունների մեջ, որոնց հատկապես տնտեսվարողներն են առնչվել (տարբեր շինարարական տեխնոլոգիաների, թույլտվությունների հետ կապված), մենք տեսնում ենք, որ «Վեուխա ջուր»-ը նման է մի կազմակերպության, որը ներկայացնում է հանրային ծառայության կարգավորման հանձնաժողովի կողմից սահմանված գները:

Ես նաեւ տեսնում եմ մեկ այլ թյուր իրավիճակ, երբ կոյուղաջուրը լցվում է տները, «Վեուխա»-ն ասում է՝ դա քաղաքապետարանի խնդիրն է, քայց սա նաեւ այլ պետական մարմինների խնդիրն է: Առողջապահության նախարարությունը եւս պետք է արձագանքի, հայտարարություն տարածի, որ դրանք հիվանդությունների աղբյուր են: Բնակիչը մեղավոր չէ: Բնակիչին հետաքրքիր է լուծումը, բնակիչը պարտավոր չէ իմանալ, թե որ հարցով որ մարմինն պիտի դիմի: Այսինքն՝ մարմինների այս անտարբերությունը շարունակում է մեզ մոտ կայուն մնալ, ցավոք սրտի, երբ մի մարմինը պատասխանատվությունը զցում է մեկ այլ մարմնի վրա, որը բերում է նման դժգոհությունների ու խնդիրների:

Մեկ այլ պատճառ է այն, որ երեւանում ու մարզերում շատ մեծ թափով շինարարական աշխատանքներ են իրականացվում, եւ մեր կոյուղու համակարգը չի նախատեսված այդպիսի հզորությունների համար: Եւ փոխարենը զուգահեռ պրոցեսներ գնան, եւ կոչ կանեի կառավարությանը, որ պետությունը ինքը վարկավորի, որ ժամանակին կառուցվի կոյուղին, քանի որ դրանք «Վեուխա ջուր»-ի ուժեղից վեր են:

Ջրույցեց ՄԱՇԱ ՄԵԼԵՆՅԱՆԸ

ՓՈՓՈԽՈՒԹՅՈՒՆ

«ԳԱԶԵԼ»-ՆԵՐԸ ԿՐՄԱՆՎԵՆ

Երեւան քաղաքի հասարակական սրահադարձի բարեփոխումների օրհանակներում արժանակվում է միկրոավտոբուսային հնամուտ արժանակազմի արդիականացումը, եւ մինչեւ հուլիսի 15-ը իրականացվելու են փոփոխություններ:

Երեկ՝ քաղաքապետարանի գործակարգավարական հերթական նիստի ժամանակ, հայտարարեց Երեւանի տրանսպորտի վարչության պետ Վազգեն Հարությունյանը: Հուլիսի 1-ից կփոխարինվի 9 երթուղի, որոնցից մեկը կապասարկվի «ՄԱՆ» մակնիշի ավտոբուսներով: Արդեն իսկ շահագործումից կհանվի 217 հնամաշ «Գազել», որը կկազմի իրականացվող բարեփոխման 60 տոկոսը: «Հուլիսի 1-ից նոր երթուղի դուրս կգա համար 2 ավտոբուսը, որը կփոխարինի համար 1 միկրոավտոբուսին, ամբողջությամբ երթուղին կպահպանվի, կգործի միջինը 10 րոպեում, կապասարկվի «Ժնգառուկ» ավտոբուսներով: 19 եւ 29 համարի միկրոավտոբուսային երթուղիներին կփոխարինի 36 ավտոբուսային երթուղին, որը գաջագործների փողոցը կկապի Արագածի փողոցին, ինչպես նաեւ Կենտրոն վարչական շրջանի հետ, կգործի միջինը 10 րոպե հաճախականությամբ: Համար 25 միկրոավտոբուսային երթուղին կփոխարինվի 37 ավտոբուսային երթուղով, ամբողջությամբ երթուղին կպահպանվի, կլինեն «Ժնգառուկ» ավտոբուսները: 28 համարի միկրոավտոբուսի փոխարեն կսկսի գործել 40 համարի ավտոբուսային երթուղին, իրականացվել է երթուղու փոփոխություն՝ Չարենց եւ Նար-Դոս փողոցներով կգործի, կլինեն «Ժնգառուկ» ավտոբուսները»,- մանրամասնեց նա:

Հարությունյանի խոսքով՝ հուլիսի 1-ից 41 ավտոբուսային երթուղին կապասարկվի «ՄԱՆ» տիպի ավտոբուսներով, կդադարեցվի 34 համարի երթուղու շահագործումը, քանի որ կրկնում է 52 ավտոբուսային երթուղուն: Կդադարեցվի նաեւ համար 9 ավտոբուսային երթուղին, որին կփոխարինեն համար 5, 22, 20 երթուղիները:

Ըստ նրա՝ հաջորդիվ համար 50 միկրոավտոբուսային երթուղին կփոխարինվի

● Անցած 3 օրվա ընթացքում Հայաստանի Հանրապետությունում արձանագրվել է 42 ՃՏՊ. 2 մարդ զոհվել է, 56-ը՝ ստացել տարբեր աստիճանի մարմնական վնասվածքներ:

ՍՈՑԻԱԼԱԿԱՆ

ԵԿԵՂԵՑԻ

ԱԿՆԿԱԼԻՔՆԵՐ՝ «ԳԱՎԻՔ»-ԻՑ

Հունիսի սկզբին Ն. Ս. Օ. Տ. Տ. Գաբրիել Երկրորդ Ծայրագույն Պատրիարք եւ Ամենայն Հայոց Կաթողիկոսի նախագահությամբ տեղի ունեցավ «Գավիք» հարթակի առաջին քննարկումը:

«Ժողովուրդ» օրաթերթի հետ զրույցում Տեր Եսայի Քահանա Արթնյանը բացատրեց «Գավիք» հարթակի նշանակությունը. «Միշտ այսպիսի ավանդույթ է եղել մեր եկեղեցում, որ երբ ազգի առջեւ ծառայած են եղել լրջագույն խնդիրներ եւ մարտահրավերներ, արքունիքը, ազգի հոգեւոր դասը, ժողովուրդը համախմբվել են եկեղեցու գավիթներում, քննարկել են այդ հարցերն ու ընդհանուր լուծումներ են գտել: «Գավիք»-ը այս տրամաբանությամբ է գործելու, եւ առաքելությունն ու նպատակը մեր հասարակության ներկայացուցիչներին, քաղաքական գործիչներին, հոգեւորականներին համախմբելն է՝ քննարկելու եւ ընդհանուր լուծումներ գտնելու այն հարցերի շուրջ, որոնք մեր ազգի համար այս պահին օրհասական են: «Գավիք»-ի հիմնական առաքելությունը սա է»:

Խոսելով «Գավիք»-ի ակնկալիքների մասին՝ Տեր Եսային հույս է հայտնում, որ քննարկումները կլինեն շարունակական, իսկ այն հարցին, թե արդյոք գաղափարը կաշխատի, քահանա Արթնյանն ասում է, որ եթե չկա հավատքը, որ այն աշխատելու է, ապա նախաձեռնությունն էլ չէր լինի: Այսինքն՝ եթե կա նախաձեռնություն, ուրեմն կա նաեւ վստահություն, որ հարթակը կծառայի իր նպատակին, եւ լուծումներ կտրվեն շատ կարեւոր հարցերի:

ՓԼՈՒԶՄԱՆ ՎՏԱՆԳ ԿԱ

Հունիսի 26-ին ՆԳՆ փրկարար ծառայությունից հայտնեցին, որ ժամը 11:42-ին Ճգնաժամային կառավարման ազգային կենտրոնն ահազանգ էր ստացվել, որ Երեւանի Րաֆֆու փողոցում գտնվող Սուրբ Երրորդություն եկեղեցում առկա է փուլզման վտանգ:

«Ժողովուրդ» օրաթերթը կապ հաստատեց Սբ Երրորդություն եկեղեցու հոգեւոր հովիվ Տեր Վարդան քահանա Գափոյանի հետ՝ ճշտելու դեպքի մանրամասները. «Ես ինքս եմ զանգել ԱԻՆ, որպեսզի գան եկեղեցու քիվերին՝ տանիքի շրթունքներին եղած ճաքերի հետեւանքով թուլացած եւ շարժվող քարերը հանեն, որպեսզի հանկարծ որեւէ մեկի գլխին չընկնեն, քանի որ եկեղեցին բանուկ հատվածում է, մարդիկ են գնում-գալիս: Միայն անվտանգության նկատառումներից ելնելով՝ խնդրեցինք ՆԳՆ ԱԻՆ ծառայության աշխատակիցները գան, եւ փորձենք կասեցնել հետագա վտանգը»:

Տեր Վարդանի հավաստմամբ՝ հանված քարերը եկեղեցու արտաքին տեսքին որեւէ վնաս չեն հասցրել, միայն շատ ուշադիր գննելու դեպքում կարելի է նկատել, որ այդտեղից քարեր են պակասել:

ՄԱՐԻԱ ՂԱԶԱՐՅԱՆ

ՀԱՄԱԺՈՂՈՎ

ԽԱՂԱՊՈՒԹՅԱՆ ՎԵՐԱԲԵՐՅԱԼ ՀԱՐՑԵՐ

Համաժողովը միավորել էր քաղաքական, դիվանագիտական, ակադեմիական եւ քաղաքացիական հասարակության առաջադեմ ներկայացուցիչներին՝ քննարկելու խաղաղության կառուցմանն ու կայուն զարգացմանն առնչվող կարեւոր հարցեր:

«ԱՊՐԻ Արմենիա»-ի նախագահ Լարա Սեդրակյանը բացման խոսում ներկայացրել է համաժողովի հիմնական թեզերը, Հայաստանի առջեւ ծառայած մարտահրավերներն ու դրանց դիմակայելու հնարավորությունները:

Համաժողովի առաջին հատվածում քննարկվել են Հարավային Կովկասում խաղաղության հաստատմանն ուղղված դիվանագիտական ջանքերը, ինչպես նաեւ Արցախում մարդու իրավունքների պաշտպանությանն առնչվող կարեւոր հարցեր: Նշված համատեքստում մեծ արձագանք է ունեցել հատկապես Եվրոպական խորհրդարանի ֆրանսիացի պատգամավոր, ԵՄ անվտանգության եւ պաշտպանության ենթահանձնաժողովի նախագահ Նատալի Լուազոյի ելույթը: Հատկանշական է, որ համաժողովի նախօրեին Լուազոն գտնվում էր Հայաստանում: Իր ելույթում, ի թիվս այլ հարցերի, նա անդրադարձել է Հայաստան կատարած իր այցին, խոսել դարաբաղյան հակամարտության մասին՝ ներկայացնելով սահմանային ընդհանուր իրավիճակը:

Համաժողովին որպես բանախոս ներկա էր նաեւ Ֆրանսիայի Օ-դը-Ֆրանս շրջանային խորհրդի նախագահ Զամվիե Բերտրանը, որն ավելի վաղ՝ սույն թվականի մայիսին, ժամանել էր Հայաստան եւ մի շարք բարձրաստիճան պաշտոնյաների հետ հանդիպումների ժամանակ քննարկել էր դարաբաղյան հակամարտության հետ կապված հարցերը՝ շեշտելով ինքնորոշման իրավունքի իրացման կարեւորությունը: Համաժողովի առաջին հատվածում ելույթներով հանդես են եկել



Նաեւ France24-ում միջազգային հարաբերությունների հարցով մեկնաբան Ադմել Շադյեն, Սորբոնի համալսարանի միջազգային հարաբերությունների եւ ԵՄ ուսումնասիրությունների գծով դոցենտ Լուռ Դելբուռը, «ԱՊՐԻ Արմենիա»-ի ազգ գիտաշխատող Բենիամին Պողոսյանը, Իսպանիայի արտաքին գործերի նախկին նախարար, Փարիզի միջազգային հարաբերությունների դպրոցի դեկան Արանչա Գոնսալես Լայան, Ուկրաինայում Ֆրանսիայի նախկին դեսպան, ԵԱՀԿ Մինսկի խմբի նախկին համանախագահ, դեսպան ժակ Ֆորը եւ այլք:

Համաժողովի երկրորդ մասում հնչած ելույթների ժամանակ շեշտը դրվել է Հայաստանում կայուն գյուղատնտեսության, տրանսֆորմացիոն տեխնոլոգիաների եւ էկոհամակարգի կողմից ընձեռվող հնարավորությունների մեծացման հեռանկարի վրա: Մի շարք հայ ձեռնբեղներ («Նաիրիան» մաշկի խնամքի միջոցների հիմնադիր Անահիտ Մարկոսյան, «Զուլպա» ընկերության հիմնադիր Էյմի Զեուզգուբյան, «ԱրմԱ» գինեգործարանի գործադիր տնօրեն եւ համահիմնադիր Վիկտորյա Ասլանյան եւ այլք)

կիսվել են իրենց փորձով եւ ներկայացրել հաջողության հասնելու բանաձեռը: Նրանք կոնկրետ ծրագրերով մատնանշել են, թե ինչպես են իրենց գործունեությամբ ուժեղացնում Հայաստանի տնտեսական եւ բիզնես հնարավորություններն ու էկոհամակարգերը ավելի դիմակայուն երկիր կառուցելու համար:

Համաժողովում ելույթով հանդես է եկել նաեւ ՀՀ բարձր տեխնոլոգիական արդյունաբերության նախարարի առաջին տեղակալ Գեորգ Մանթաշյանը՝ խոսելով մասնավորապես ոլորտում առկա հնարավորությունների, Հայաստանի մրցունակությունն ապահովելու եւ ապագայի երկիր ստեղծելու իրենց ջանքերի մասին:

«ԱՊՐԻ Արմենիա»-ի փոխնախագահ Անահիտ Փիլիպոսյանը, ամփոփելով համաժողովի աշխատանքները, հանդես է եկել համապատասխան կոչով՝ գործնական քայլեր ձեռնարկել՝ հայկական սփյուռքն ավելի ակտիվորեն ներգրավելու նորարարական լուծումների վրա հիմնված Հայաստանի կառուցման աշխատանքներում՝ հաշվի առնելով աշխարհաքաղաքական ներկայիս պայմանները:

ՈՒՍՈՒՑԻՉՆԵՐ

ՉԵՆ ԱՇԽԱՏԻ ԳՊՐՈՑՆԵՐՈՒՄ

Գյուղացիներում դեռեւս մնացել են 1300 ուսուցիչներ, որոնք տարբեր հանգամանքների բերումով չունեն բարձրագույն կրթություն: Ազգային ժողովի արտահերթ նիստին այս մասին ասաց ՀՀ կրթության, գիտության, մշակույթի եւ սպորտի նախարար Ժաննա Անդրեասյանը՝ ներկայացնելով «Հանրակրթության մասին» օրենքում փոփոխություններ եւ լրացումներ կատարելու մասին նախագիծը:

«Շուրջ 12 տարի առաջ «Հանրակրթության մասին» օրենքով պետությունը ուսուցիչների համար սահմանել է պահանջ, որպեսզի նրանք պարտադիր ունենան բարձրագույն կրթություն: Եվ տրվել է որոշակի ժամանակահատված՝ դպրոցներում գործող ուսուցիչներին սովորելու եւ ձեռք բերելու բարձրագույն կրթություն: Բազմաթիվ ուսուցիչներ գնացել են այս ճանապարհով, սակայն մեր ուսումնասիրությունները ցույց են տալիս, որ համակարգում դեռեւս մնացել են 1300-ից ավելի ուսուցիչներ, որոնք միջին մասնագիտական կրթություն ունեն եւ շարունակում են աշխատել դպրոցներում: Այս անձինք այլեւս չեն կարողանալու աշխատել մեր

դպրոցներում՝ այս տարվա օգոստոսի 20-ից սկսած»,- ասաց Անդրեասյանը:

Հաշվի առնելով այն հանգամանքը, որ տվյալ ուսուցիչների մոտ եղել են տարբեր հանգամանքներ, այդ թվում՝ օբյեկտիվ, բարձրագույն կրթություն չստանալու տեսանկյունից, ԿԳՄՍ նախարարն ասաց, որ նախագծով առաջարկում են նրանց ընձեռնել հնարավորություն մասնակցելու կամավոր ատեստավորման գործընթացին:

«Եթե այդ գործընթացները տվյալ ուսուցիչները անցնեն հաջողությամբ, նրանց կտրվի հնարավորություն շարունակելու իրենց ուսուցչական գործունեությունը»,- եզրափակեց Անդրեասյանը:

ՄԵԽԱՆԻԶՄ ՀԱՍՏԻՔՆԵՐԸ ԼՐԱՑՆԵԼՈՒ ՀԱՄԱՐ

Կրթական ոլորտում շարունակում է խնդրահարույց մնալ ուսուցիչների թափուր տեղերի համալրման գործընթացը: Ազգային ժողովի արտահերթ նիստին այս մասին ասաց ՀՀ կրթության, գիտության,

մշակույթի եւ սպորտի նախարար Ժաննա Անդրեասյանը՝ ներկայացնելով «Հանրակրթության մասին» օրենքում փոփոխություններ եւ լրացումներ կատարելու մասին նախագիծը:

Նախարարի խոսքով՝ նախագծով առաջարկում է միանգամից երկու մեխանիզմ, որոնք պետք է օգնեն ուսուցիչների թափուր տեղերի պակասի լրացմանը:

«Առաջինը՝ ուսուցիչների գործուղման հնարավորության ընդլայնումն է: Առաջարկում ենք, սահմանամերձ եւ բարձր լեռնային գոտիներից գատ, այլ մարզերի բնակավայրեր եւս գործուղելու հնարավորություն տալ ուսուցիչներին, ինչը թույլ կտա ավելի արդյունավետ կազմակերպել ուսուցիչների թափուր տեղերի համալրման գործընթացը:

Երկրորդն՝ առաջարկում ենք մանկավարժի որակավորում ստանալու ծրագրով սովորող ուսանողներին (իրենց կրթության վերջին տարում) գյուղական դպրոցներում դասավանդելու հնարավորություն տալ՝ ուղեկցող ուսուցչի առաջնորդությամբ: Սա կլինի լավ պրակտիկա ուսուցիչ դառնալ ցանկացողների համար եւ թույլ կտա նաեւ դպրոցներում ապահովել այն առարկաների դասավանդումը, որոնց ապահովումն այս պահին խնդիր է»,- ասաց Անդրեասյանը:

«Ժողովուրդ» օրաթերթում եւ Armlur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ԳՐԱՆՑՈՒՄՆԵՐ

ԱՌԱՋԻՆ ԴԱՍԱՐԱՆՑԻՆԵՐԻ ՀԱՅՏԱԳՐՈՒՄ

«Ժողովուրդ» օրաթերթը տեղեկացավ, որ հունիսի 27-ին Հայաստանում կմեկնարկի ՀՀ տեսական հանրակրթական դոկտրինայի առաջին դասարանցիների հայտագրման երկրորդ գործընթացը, որը կիրականացվի 3 փուլով:


Այս տարի եւս հայտագրման գործընթացն իրականացվելու է ԿԳՄՍ նախարարության «Կրթական տեխնոլոգիաների ազգային կենտրոն» ՊՈԱԿ-ի կողմից վարվող «Սովորողներին դպրոց հայտագրելու էլեկտրոնային համակարգ»-ի (hayt.emis.am, haytru.emis.am) միջոցով:

Երկրորդ փուլով հունիսի 27-ից առաջին դասարանցիների հայտագրման գործընթացը կիրականացվի ընդհանուր հիմունքներով՝ հայերենով ուսուցում իրականացնող հանրակրթական ուսումնական հաստատությունների բոլոր առաջին դասարանցիների ընդունելության համար:

Իսկ, ահա, երրորդ փուլով հունիսի 4-ից հայտագրում կիրականացվի նաև օտարերկրյա քաղաքացիների, երկքաղաքացիների, քաղաքացիություն չունեցող անձանց (Նրանց օրինական ներկայացուցչի) համար: Այն դեպքում, երբ ծնողներից մեկը թվարկված որեւէ խմբի ներկայացուցիչ է, իսկ մյուսը՝ ՀՀ քաղաքացի, հայտագրումը կարող է կատարվել ծնողի ընտրությամբ՝ մուտքեցնելով ուսուցմամբ դասարաններում:

Ազգային փոքրամասնությանը պատկանող սովորողի ընդգրկումը դպրոց կատարվում է սովորողի ազգային (մայրենի) լեզվով ուսուցմամբ կամ այդ լեզվի դասընթաց ունեցող դպրոցում (դասարանում), իսկ դրա բացակայության դեպքում ուսուցման լեզվի ընտրությունը կատարում է սովորողի ծնողը:

Հայտագրումը կշարունակվի ողջ ուսումնական տարվա ընթացքում:



Նշենք, որ երկյակ, եռյակ, քառյակ եւ ավելի երեխաներից առնվազն մեկի հայտագրումը որեւէ հանրակրթական ուսումնական հաստատությունում ապահովում է մյուս երեխաների ընդունելությունը նույն հաստատություն՝ անկախ լիցենզիայով տրված տեղերի սահմանափակումից:

Հավելենք, որ, որպես հայտագրման առաջին քայլ, նախ պետք է ստուգել երե-

խայի տվյալների ամբողջականությունը: Այս նպատակով ԿՏԱԿ-ը գործարկել է <https://stugum.emis.am/> կայքը, որտեղ դպրոց ընդունվող երեխայի ծնողները կարող են ստուգել երեխայի անձնական տվյալների անկայությունն ու ճշգրտությունը: Այս քայլն անհրաժեշտ է բուն հայտագրման գործընթացը սկսելու եւ հնարավոր խնդիրներից խուսափելու համար: **Լ. Ե.**

ՄԱՐԶԱԿԱՆ

ՄՊԵՐՑՅԱՆԸ՝ ԼԱՎԱԳՈՒՅՆ ԽՍՂԱՑՈՂ

Հայաստանի հավաքականի կիսապաշտպան Էդուարդ Սպերցյանը ճանաչվել է «Կրասնոդարի» լավագույն խաղացող ավարտված մրցաշրջանում: Զվեարկությունն անցկացվել է ռուսական ակումբի կայքում: Հայ ֆուտբոլիստը երկրորդ տարի անընդմեջ է արժանանում «Կրասնոդարի» լավագույն խաղացողի կոչմանը՝ երկրպագուների վարկածով. հաղորդում է ակումբի կայքը: Էդուարդ Սպերցյանը ստացել է թվեարկության մասնակիցների ծայնների 48,78 տոկոսը: Ռուսաստանի ավարտված առաջնությունում Էդուարդ Սպերցյանը մասնակցել է 28 հանդիպման, խփել 10 գոլ, կատարել 12 գոլային փոխանցում: Լավագույնն է այս ցուցանիշով:

Ռուսաստանի գավաթի 13 խաղում Սպերցյանը խփել է 4 գոլ, կատարել 2 գոլային փոխանցում:

Երկրորդ տեղը զբաղեցրած կոլումբացի հարձակվող Ջոն Կորդոբան ստացել է ծայնների 19 տոկոսը:

ԲԱՐԵԼԱՎԵԼ Է ԳԻՐՔԵՐԸ

Թենիսի կանանց ասոցիացիան (WTA) հրապարակել է դասակարգման ամենաշաբաթյա աղյուսակը:

Ռուսաստանցի Էլինա Ավանեսյանը 81-րդ տեղից բարձրացել է 64-րդ տեղ: Դասակարգման առաջատարը լեհ Իգա Շվյոնտեկն է:

WTA, հունիսի 26

- 1 (1). Իգա Շվյոնտեկ (Լեհաստան)՝ 8940 միավոր
- 2 (2). Արինա Սաբալենկա (Բելառուս)՝ 8066
- 3 (3). Ելենա Ռիբակինա (Ղազախստան)՝ 5090
- 4 (5). Ջեսիկա Պեգուլա (ԱՄՆ)՝ 4905
- 5 (4). Կարոլին Գարսիա (Ֆրանսիա)՝ 4845
- 6 (6). Օնա ժաբեր (Թունիս)՝ 3492
- 7 (7). Կորի Գաուֆ (ԱՄՆ)՝ 3305
- 8 (8). Մարիա Սակարի (Հունաստան)՝ 3301
- 9 (9). Պետրա Կվիտովա (Չեխիա)՝ 3101
- 10 (12). Բարբորա Կրեյչիկովա (Չեխիա)՝ 2830

ՄԲԱՊԵՐ ԱՆՆԿԱԼԻՔՆԵՐԸ

Ֆրանսիայի չեմպիոն ՊՍԺ-ի 24-ամյա ֆրանսիացի հարձակվող Կիլիան Մբապե Մադրիդի «Ռեալ» տեղափոխվելու դեպքում նոր թիմում կարող է վաստակել տարեկան մոտ 60 միլիոն եվրո. հաղորդում է El Debate-ը: Այդ գումարը կծեւալորվի աշխատավարձից եւ իմիջային ու գովազդային իրավունքներից ստացած եկամուտից: Որոշ տվյալներով՝ Մբապեի մայրը մի քանի ամիս առաջ արդեն սկսել է բանակցություններն Արքայական ակումբի հետ: Սպասվում է, որ Մբապեի տրանսֆերը տեղի կունենա հաջորդ ամիս: Ֆուտբոլիստը չի ցանկանում նախապատրաստական փուլը սկսել ՊՍԺ-ի հետ: Փարիզյան թիմը արձակուրդից կվերադառնա հունիսի 15-ին: ՊՍԺ-ն Մբապեի տրանսֆերից ակնկալում է 180-200 միլիոն եվրո:

ԱՊՕՐԻՆԻ

ԿԵՆՏՐՈՆԻ ԹԱՂԱՊԵՏԻ ԱՆԳՈՐԾՈՒԹՅՈՒՆԸ

2019 թվականի մարտի 13-ից Երեւանի Կենտրոն վարչական շրջանի նախկին ղեկավար Վիկտոր Մնացականյանի նախաձեռնությամբ ադամանցածվեցին Օդեսայի հարակից սարածֆում ադորիների կառուցված սրճարանները:

Այսօր Երեւանի Կենտրոն վարչական շրջանի ներկա ղեկավար Սամվել Ղուկասյանը ոչ միայն մոռացել է Կենտրոնի բնակիչների հոգսերը, այլև չի հետաքրքրվում այն սրճարաններով, որոնք ապօրինի կեպրով զբաղեցնում են կանաչ գազոնը:

«Ժողովուրդ» օրաթերթն այս առնչությամբ փորձեց կապ հաստատել Կենտրոնի վարչական շրջանի ղեկավար Սամվել Ղուկասյանի հետ, սակայն մեր զանգերն այդպես էլ մնացին անպատասխան:

Փաստորեն, ստացվում է, որ Կենտրոն վարչական շրջանի ներկա ղեկավար Ղուկասյանը, նշանակվելով նման կարեւոր պաշտոնի, չի կարողանում արդեն իսկ սկսված գործընթացը շարունակել եւ լուծում տալ նման կարեւոր հարցին:

ԼԻՂԱ ԵՐԻՍՏՅԱՆ



● Հունիսի 28-ին «Բոհեմ» թատրոնում տեղի կունենա «Շերշե լա ֆամ» ներկայացումը: Տոմսերի արժեքը՝ 2000-5000 դրամ: Սկիզբը՝ ժամը 19:00-ին:



ԵԿԱՍՈՒՏ

ՀԱՐՑ. Ինչդե՞ս է կասարվում եկամտահարկի վերադարձը:
Սինա Բաղդասարյան (29 տարեկան)



ՊԱՏԱՍԽԱՆ. Վարկառուին /համավարկառուներին/ եկամտային հարկի վերադարձը գանձապետարանը իրականացնում է ՀՀ պետական եկամուտների կոմիտեից ուղեկցող գրությունը (որով ներկայացվում է վճարման հանձնարարականը) ստանալուց հետո՝ երեք աշխատանքային օրվա ընթացքում:
ՀՀ ֆինանսների նախարարություն

«ԺՈՂՎՈՒՐԳ». Հարկ ենք համարում նշել, որ հիմնականում վերադարձն իրականացվում է վերոնշյալ գրությունը գանձապետարան մուտքագրման օրը կամ հաջորդ աշխատանքային օրը՝ պայմանավորված այն հանգամանքով, որ գրությունը ստացվել է բանկային օրվա ավարտից հետո:

ԸՆԴՈՒՆԵԼՈՒԹՅՈՒՆ

ՀԱՐՑ. ԵՊՀ-ում աստիճանաշարի ընդունելությունը ե՞րբ է կասարվում:
Աննա Առաքելյան (33 տարեկան)



ՊԱՏԱՍԽԱՆ. Հեռակա ուսուցմամբ (անվճար եւ վճարովի հիմունքներով) ասպիրանտուրայի ընդունելությունը սովորաբար կազմակերպվում է ընթացիկ տարվա օգոստոս-սեպտեմբեր ամիսներին:
Երեւանի պետական համալսարան

«ԺՈՂՎՈՒՐԳ». Հեռակա ուսուցմամբ ասպիրանտուրա ընդունվելու համար անհրաժեշտ փաստաթղթերի ընդունման եւ մասնագիտական քննության անցկացման հստակ ժամկետները, ինչպես առկա ուսուցմամբ ասպիրանտուրայի դեպքում, ԵՊՀ-ն ներկայացնում է դիմորդներին ՀՀ ԿԳՄՍՆ սահմանած ժամանակացույցը ստանալուց հետո՝ տարածելով համապատասխան հայտարարություն(ներ):

ԼՈՒՐ ԿԱԴՐ

Լուսանկարը՝ համացանցից



Իսպանացի սերիական ռեկորդակիրն իր անվանը նոր տիտղոս ավելացրեց՝ 100-մետրանոց մրցույթին վազելով բարձրակրունկ կոշիկներով:
34-ամյա Քրիստիան Ռոբերտո Լոպես Ռոդրիգեսը 2,76 մատնաչափ բարձրության կրունկներով 100 մետրը վազել է 12,82 վայրկյանում:
Ռոդրիգեսը շրջանցել է Անդրե Օրտոլի ֆի ռեկորդը, որը 2019 թվականին բարձրակրունկ կոշիկներով 100 մետրը վազել էր 14,02 վայրկյանում:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել

«Հայմամուլ» ՓԲԸ
հեռ. 45-82-00, 45-19-11

«Հայփոստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ ԱՆՎՃԱՐ:



Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձանք ձեր բարձրացրած բոլոր խնդիրներին:

ԱՌԱՋԱՐԿ
հայկական տպագիր մամուլից

«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային եւ/կամ քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



| | | | | | |
|---|-----------------------|--------------------|---|-----------------------|--------------------|
| ☀ | Շիրակ | +10 +15 +19 +23 | ☀ | Արարատ | +18 +20 +32 +34 |
| ☀ | Կոտայքի լեռներ | +10 +14 +20 +22 | ☀ | Արմավիր | +16 +20 +31 +33 |
| ☀ | Կոտայքի նախալեռներ | +15 +18 +27 +30 | ☀ | Վայոց ձորի լեռներ | +10 +13 +23 +26 |
| ☀ | Գեղարքունիք | +10 +14 +20 +24 | ☀ | Վայոց ձորի նախալեռներ | +18 +21 +33 +35 |
| ☀ | Լոռի | +11 +16 +20 +25 | ☀ | Սյունիքի հովիտներ | +19 +24 +30 +35 |
| ☀ | Տավուշ | +16 +20 +23 +28 | ☀ | Սյունիքի նախալեռներ | +13 +17 +24 +28 |
| ☀ | Արագածոտնի լեռներ | +9 +13 +18 +21 | ☀ | Արցախ | +18 +21 +28 +33 |
| ☀ | Արագածոտնի նախալեռներ | +15 +18 +26 +31 | ☀ | Երեւան | +18 +20 +31 +33 |

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
Հասցեն՝ ք. Երեւան, Աբովյան 22^Պ/3, հեռ՝ 010 54-64-23
Պետական գրանցման վկայականի համարը՝ 03Ա089086
տրված է 24.11.2010
Ստորագրված է տպագրության 26.6.2023

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆԴ» տպարան ՍՊԸ հրատարակչությունում
խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: